

爾雅義疏

冊二

爾雅郭注義疏上之二

棲霞郝懿行學

釋言第二

言者說文云直言曰言釋名云言宣也宣彼此之意也言與詁異詁之爲言古也博舉古人之語而以今語釋

之也言之爲言衍也約取常行之字而以異義釋之也言卽字也釋言卽解字也古以一字爲一言此篇所釋皆單文起義多不過

二三言與釋詁之篇動連十餘文而爲一義者殊焉故次釋言

殷齊中也

書曰以殷仲春釋地曰岷齊州以南

上篇首言始末言終此篇首言中亦末言終蓋以中統始終之義而包上下之詞也中者玉篇云中也半者適均故考工記弓人注

中猶均也均者平和故說文云中和也和者在其閒故喪服小記注中猶閒也儒行注中中閒中則正正亦長故墨子經上篇云中

同長也是皆以引伸爲義矣殷者周禮大行人云殷相聘也掌客云殷膳大牢鄭注並云殷中也書堯典馬鄭注同廣雅云殷正也

正亦中以殷仲秋史記五帝紀作以正中秋是中正義同中之言衆也居中央應四方有以寡御衆之意故殷又訓衆也盛也大也

多也皆從中正之義而生也通作隱詩殷其雷之殷音隱如有隱憂韓詩作殷易豫釋文殷京本作隱皆其證矣齊者平也等也皆

也同也又整齊也五者實一義皆無長短高下之差故爲中也易繫辭集解引王肅曰齊猶正也正卽中之訓故詩人之齊聖箋訓

齊爲中正書天齊于民馬融注齊中也列子黃帝篇云不知斯齊國幾千里湯問篇云猶齊州也張湛注並云齊中也周穆王篇云

四海之齊謂四海之中也亦齊爲中之證

斯謔離也齊陳曰斯謔見詩

離者玉篇云散也去也兩也判也曲禮云離坐離立鄭注離兩也廣雅云離分也兩判去散其義皆爲分也離與蠡音義同方言云蠡分也楚曰蠡秦晉曰離又與蠡同荀子賦篇注蠡與蠡同蠡兮分判貌是矣斯者說文云析也引詩斧以斯之書有斯斯享鄭注斯析也廣雅云斯分也分析義皆爲離故詩墓門釋文及正義引孫炎曰斯析之離方言云斯離也齊陳曰斯是郭所本通作斯廣雅云斯散也史記河渠書云乃斯二渠以引其河集解引漢書音義云斯分也又通作斯方言云斯散也又與參同方言云參分也按參之言三也夜參半即夜分半矣該者說文云離別也周景王作洛陽謔臺按謔臺猶離宮別館也郭云該見詩者邢疏引巷伯云哆兮侈兮說文云哆張口也張開與分離義近又與陟近說文陟落也落有離意故吳語云民人離落又與坼近說文坼裂也廣雅坼分也分落義皆爲離

謔興起也禮記曰尸謔

起者說文云能立也釋名云起啓也啓一舉體也禮孔子閑居注起猶行也史記樂書正義云起動也行動皆從起義而生也謔者特牲少牢饋食俱云尸謔列子黃帝篇云則未嘗見舟而謔操之者也鄭注及張湛注並云謔起也通作休少牢饋食及士虞禮注並云古文謔或作休又與愔同詩不我能愔傳愔興也說文愔起也愔謔聲近愔休聲轉其義俱同矣興者動也作也發也舉也皆

起之義也與廢同周禮
注廢興也與廢聲轉

還復返也

皆迴返也

返者說文云還也引商書曰祖甲返又引春秋傳作復通作反儀禮注反還也詩倚差箋及執競傳竝云反復也氓箋及說文云反覆也覆復聲同其義亦近也還者說文云復也越語注反也詩還而不入箋還行反也通作環又通作旋周旋亦反復之義也復者說文云往來也又云夏行故道也夏復音義同易雜卦云復反也詩黃鳥及我行其野箋傳竝同又通作反特牲饋食禮注今文復爲反蓋反復一聲之轉故其字通

宣徇徧也

皆周徧也

徧者說文云巾也易象傳云莫益之徧辭也虞翻注徧周匝也俗作遍通作辯又作辨廣雅云辨徧也樂記注辯徧也書徧于羣神史記五帝紀作辯於羣神鄉飲酒禮衆賓辯有脯醢有司徹云若是以辯鄭注竝云今文辯皆作徧又轉爲徧玉藻注必先徧嘗之釋文徧本又作備備徧聲相轉也宣者詩內宣字傳箋俱訓爲徧逸周書諡法篇云聖善周聞曰宣亦以宣爲周徧也詩恆之桓桓傳恆徧也釋文恆古鄧反本又作互按互爲恆之古文其義訓竟而音爲古鄧桓從恆聲恆訓長久皆與周徧義近故其義同矣徇者旬之段音也說文云徇徧也十日爲旬詩來旬來宣傳旬徧也通作徇史記五帝紀云効而徇齊索隱引爾雅以徇爲周徧也徇說文作徇爾雅釋文徇本又作徇又通作徇釋文徇樊本作徇郭音巡張揖字詁云徇今巡按說文徇行示也行示與周徧義亦近

故一切經音義一引三蒼云徇徧也左氏桓十二年傳三巡數之杜預注巡徧也又通作徇下文云徇均也均徧義同故詩桑柔正義引李巡曰徇徧之均也

駟遽傳也

皆傳車駟馬之名

說文云傳遽也遽傳也互相訓古以傳遽並稱故周禮行人云掌邦國傳遽之小事鄭注傳遽若今時乘傳騎驛而使者也玉藻云士曰傳遽之臣鄭注傳遽以車馬給使者也詩江漢釋文以車曰傳以馬曰遽故左氏僖卅三年傳且使遽告於鄭成五年傳晉侯以傳召伯宗則知召伯宗必以車告於鄭必以馬矣蓋傳之爲言轉也以車展轉而期於早達也遽之爲言急也以馬急促而期於速到也後世驛傳起於此矣駟者說文云傳也驛置騎也騎跨馬也是驛駟義別俗或通用故左氏文十六年正義引爾雅作驛傳又引舍人曰驛尊者之傳也驛皆當作駟釋文反音可證舍人之意蓋據傳云楚子乘駟又云子產乘遽故知尊者乘駟卑者乘遽也左氏昭二年釋文及正義並引孫炎云傳車驛馬也郭注本孫炎今爾雅注驛又誤作駟矣釋文駟而實反郭音義云本或作遽聲類云亦駟字同

蒙荒奄也

奄奄覆也皆見詩

奄者說文云覆也詩奄有下國奄有龜蒙箋並以爲覆通作揜說文揜一曰覆也又通作奄下文云奄蓋也蓋亦覆故廣雅云奄覆也又通作揜文選懷舊賦注引坤蒼曰揜覆也晉語及吳語注並云揜蓋也方言云揜覆也覆亦覆蓋之意矣蒙者冢之段音也說

文云冢覆也通作蒙詩君子偕老傳蒙覆也按葛生蒙楚蒙棘皆以蒙爲覆也又通作幪或作幪說文幪蓋衣也法言吾子篇云然後知夏屋之爲幪幪也李軌注幪幪蓋覆也又轉爲一說文云一覆也按一與霧幪鼎峙並字異而義同一蒙又一聲之轉也荒者與奄並訓大也大與覆義相成說文云荒艸掩地也掩卽覆蓋書惟荒度土功詩葛藟荒之毛鄭並云荒奄也皇矣及公劉正義引孫炎曰荒大之奄也通作幪說文云幪覆也詩遂荒大東郭注釋詁引作遂幪大東禮投壺云毋幪毋敖大戴禮作無荒無傲荒幪亦一聲之轉

告謁請也

皆求請也

請謁告也已見釋詁告謁又爲請轉相訓

肅嘒聲也

詩曰肅嘒和鳴

經典言肅雖者多矣此言其聲耳詩鴻雁傳肅肅羽聲也鴻羽傳肅肅羽聲也是皆重文若單文亦爲聲禮祭義云肅然必有聞乎其容聲史記孝武紀云神君來則風肅然是皆以肅爲聲也以嘒爲聲者詩匏有苦葉傳雖雖鴈聲和也雖與嘒同已詳釋詁嘒嘒音聲和也下

格懷來也

書曰格爾衆庶懷見詩

來格懷至也已見釋詁至卽來故格懷又爲來轉相訓來通作戾戾亦至戾來古音同也格者當作假亦作假並詳釋詁通作格方

言格來也又通作格詩神保是格中庸云神之格思繼衣云則民有格心大學云致知在格物傳注並云格來也懷者方言云來自關而東或曰懷釋名云懷回也本有去意回來就己也亦言歸也來歸己也詩曷又懷止懷柔百神傳箋並云懷來也周禮序官懷方氏學記云近者說服而遠者懷之鄭注亦云懷來也詩傳箋及學記注又云懷歸也歸亦來釋詁又云懷止也止亦至至亦來矣

吟底致也

皆見詩傳

致者說文云送詣也詣候至也然則致亦至也至致聲同字亦通矣吟者釋詁云告也玉篇引禮記曰眡於鬼神亦作吟今曲禮作眡於鬼神鄭注吟致也祝告致於鬼神辭也是致告義相成故吟既訓告又訓致郭云見詩傳者今毛傳無或當在齊魯韓詩矣底者釋詁云止也止亦致也書乃言底可續史記夏紀作汝言致可續凡禹貢底字夏紀俱作致又敷重底席鄭注亦云底致也通作者詩者定爾功傳者致也釋文者毛音指文選報任少卿書注引爾雅郭璞曰底音指蓋郭氏音義之文

慘怛恃也

今江東母爲慘

說文云恃賴也詩蓼莪釋文引韓詩云恃負也楚辭注恃怙也恃怙互相訓也慘者說文作慘云恃也廣韻云恃土地也通作慘廣韻引爾雅一云恃事曰慘此蓋爾雅舊注故龍龕手鑑一引爾雅云恃事自慘也荀子非十二子篇云儉然慘然楊倞注慘然恃尊長之貌然則慘之爲言慘也有所憑恃而慘然自多故慘訓汰恃訓賴也郭云今江東呼母爲慘者方言云南楚瀑涯之間謂婦妯娌曰母慘說文則云江淮之間謂母曰媢是媢娒音義同郭意蓋借娒以證慘之爲恃取其聲同非慘有母稱也注內慘字蓋傳寫之

論怙者諡法及詩揚羽傳並云怙特也韓詩云怙賴也賴卽特之訓故說文依爾雅云怙特也

律通述也皆敘述也方俗語耳

述者說文云循也詩日月傳及士喪禮少牢饋食禮注並云述循也述又脩也脩循述俱一聲之轉通作術詩報我不述釋文述本亦作術按術廣絕交論注引韓詩作報我不術士喪禮注古文述皆作術按術韓詩云法也法與律其義又同矣律者釋詁云常也法也奉爲常法卽述之義故又訓述中庸注及史記律書案隱引釋名並云律述也周禮典同注律述氣者也廣雅云律率也率循卽述也通作聿律从聿聲說文聿所以書也楚謂之聿吳謂之不律是律聿皆謂筆故釋名云筆述也詩正義引爾雅作聿述也聿卽律矣通者釋詁云自也循也循與自皆述之義也書今民將在祗通乃文考馬融注通述也詩文王有聲箋同通作曰詩正義引爾雅作曰述也又通作聿詩通追來孝禮器引作聿追來孝通孫炎以爲古述字讀聿故詩聿修厥德漢書東平思王宇傳作述修德厥

俞畬然也禮記曰男唯女俞畬者應也亦爲然

然者廣雅云騰也又云成也成定亦然諾之意禮大傳注然如是也祭義注然猶而也按而猶爾也爾之爲言猶云如是也而聲近矣今順天入謂然爲唉音哀說文云唉騰也又云談然也方言云欸然也南楚凡言然者曰欸欸與談矣並聲義同俞者然之聲也俞與唯皆騰聲故說文云唯諾也廣雅云唯諾然也內則云男唯女俞鄭注俞然也凡書曰俞史記五帝紀俱作曰然然俞唯俱

聲相轉與吁同方言云誇（呼瓜反）吁（音于）然也郭云皆應聲是吁亦俞矣富者釋文云古荅字一本作荅玉篇云荅當也當亦對故鄉射禮記及郊特牲祭義注並云荅對也荅對當俱聲相轉當訓應也故荅又爲應應亦然也通作對詩聽言則荅新序雜事五及漢書賈山傳俱作聽言則對

豫臚敘也

皆陳敘也

敘者說文云次第也次第其先後故釋詁云敘緒也有端緒可陳述故晉語注敘述也通作序書內敘字史記俱作序序有更代之義故序又訓更也代也豫者舒也序也故釋地釋文引春秋元命苞云豫之言序也亦通作序祭義注序或爲豫鄉射禮云豫則鉤楹內鄭注豫讀如成周宣榭災之榭今文豫爲序是序豫同豫樹古音又同又通作舒釋詁云舒敘也緒也書曰豫恆煥若史記宋世家作曰舒常與若大戴禮五帝德篇云貴而不豫史記五帝紀作貴而不舒是舒豫音又同矣臚者玉篇云陳也韋昭注漢書及辯釋名並云臚陳敘也通作臚廣雅云臚舒也史記司馬相如傳云臚之無窮集解引徐廣曰臚一作臚臚敘也又通作旅釋詁云旅陳也鄉飲酒及鄉射禮燕禮大射儀注並云旅序也士冠禮注古文旅作臚是臚旅通旅有臚音故周禮司儀云皆旅擯鄭注旅讀爲鴻臚之臚

庶幾尚也

詩曰不尚息焉

尚者上也加也有尊高之義故釋詁云尚右也右爲嘉好之稱故尚又訓慕也願也願慕與庶幾義近故說文云尚庶幾也本爾雅

爲訓也庶者下文云幸也幾者釋詁云危也危猶近也幾與觀同
觀亦幸也然則庶幾爲近幸之義詩尚無爲尚可載也不尚息焉
儀禮尚饗檀弓云尚行夫子之志乎哉大學云尚亦有利哉箋注
竝云尚庶幾也然庶幾二字亦可單言如論語云其庶幾乎左傳云
庶有牙乎易月幾望繫辭云或幾乎息矣義皆爲近近卽
尚也故家語終記篇王肅注尚庶也庶字斷文亦其證矣

觀指示也

國語曰且觀之兵

釋名云示示也玉篇云示者語也以事告人曰示也華嚴經音義
上引蒼頡篇云示現也說文云天垂象見吉凶所以示人也通作
視詩視民不怵箋視古示字也由禮幼子常視毋誑注視今之示
字士昏禮記視視諸衿輦注示之以衿輦視乃正字今文作示俗誤
行之莊子應帝王及徐无鬼篇釋文竝云示本作視又通作寘周
禮朝士注示于叢棘釋文示本或作寘觀者見之示也考工記桌
氏云以觀四國莊子大宗師篇云以觀衆人之耳目釋文竝云觀
示也按釋宮云觀謂之闕亦所以表示於人也釋文觀施音館謝
音官二音俱通矣指者手之示也廣雅及離騷注竝云指語也語
亦示也由禮云指使使亦示也仲尼燕居云治國其如指諸掌而
已乎中庸云治國其如示諸掌乎

若惠順也

詩曰惠然肯來

順者釋詁云敘也緒也陳也義皆相成順者不逆也故釋名云順
循也循其理也逆理爲凶順理爲從故特牲饋食記注順從也順
從與慈愛義近故說法云慈和徧服曰順孟子注云順愛也通作
循大射儀云以快順左右隈鄭注今文順爲循又通作慎禮器云

順之至也釋文順亦作慎易繫辭云慎斯術也釋文慎一本作順皆其證矣若者釋詰云善也善者和順於道德故又訓順詩烝民及闕宮傳禮會子問及禮器注並云若順也書之欽若及疇咨若時史記五帝紀若俱作順通作如有司徹注今文若爲如按如若皆相似之言說文如从隨也从隨卽順亦其義也惠者釋詰云愛也惠訓愛與順訓愛同表記云節以壹惠鄭注惠猶善也惠訓善與若訓善又同矣詩終溫且惠維此惠君傳箋並云惠順也

敖憮傲也

禮記曰無憮無傲憮慢也

敖者說文云倨也倨不遜也廣雅云傲傷也傷慢亦倨傲也通作敖詩彼交匪敖漢書五行志作匪傲匪傲又通作冢說文云冢慢也引虞書曰若丹絳冢漢書劉向傳作丹若丹朱敖今書作無若丹朱傲敖者說文云出游也从出从放按出外放游皆無拘檢之意故又訓傲釋詰云謔浪笑敖戲謔也舍人注敖意舒也詩鹿鳴傳敖遊也廣雅云敖戲也戲遊舒放俱與傲慢義近重文亦然故釋訓云敖敖傲也俗作遨詩以敖以遊釋文敖本亦作遨莊子列禦寇篇釋文同憮者釋詰云大也有也皆與傲慢義近故又訓傲禮投壺云毋憮毋敖鄭注憮敖慢也通作憮詩亂如此憮箋憮敖也甚敖慢無法度也又通作荒荒怠亦傲慢故諡法云好樂怠政曰荒餘詳釋詰

幼鞠穉也

書曰不念鞠子哀

說文云穉幼禾也方言云穉小也穉年小也通作稚方音注穉古稚字五經文字云穉字林作稚詩種穉菽麥說文作種稚未麥幼

者說文云少也釋名云言生日少也曲禮云人生十年曰幼按十年者舉成數實則十五以前通曰幼故喪服傳注子幼謂年十五已下管子幼官篇注幼始也始釋義亦近也韋者軌之段音也說文軌同育云養子使作善也是育訓養與釋義近故詩音育恐育韋鄭箋昔育育雅也廣雅云軌釋也通作霽詩霽子之閱斯傳霽雅也文選洞簫賦注霽育古字同又通作韋韋者下云云生也生養義近故詩鳴鵲正義引爾雅作霽雅也而云郭璞曰韋一作軌證知爾雅古本作軌雅所引蓋郭音義之文也軌霽韋俱聲義近而字亦通又通作

逸僇過也

書曰汝則有逸罰

過者說文云度也玉篇云越也因度越之義又爲失因失之義又爲誤也謬也皆展轉相生爾雅此義則主於謬失也逸者說文云失也失兼縱也放也逃也亡也諸義而俱名爲過故周語引書盤庚曰國之不臧則惟余一人是有逸罰韋昭注逸過也文選荅盧諶詩云逸珠盈碗李善注逸謂過於衆類通作佚公羊宣十二年傳令之還師而佚晉寇何休注佚猶過說文云佚佚民也論語微子篇作逸民又夷逸漢石經作夷佚又通作軼廣雅云軼過也一切經音義九云逸古文軼同又通作佚書誕淫厥佚史記魯世家作誕淫厥佚集解引馬融注紂大淫樂其逸書淫佚于匪彝釋文佚又作逸亦作佚又通作佚書大淫佚有辭釋文佚又作佚馬本作屑云過也按屑从骨聲與逸音近今屑作屑音私列切其音遠矣又通作淫淫訓過度文選七發注引爾雅作淫過也淫逸聲相轉也僇者籀文愆字說文愆過也經典愆僇通用故詩不愆于儀禮緇衣作不僇于儀氓蕩釋文竝云愆本又作僇又通作過說文

邇過也又通作寒說文愆或从寒省諡法云寒過也詩不愆不忘春秋繁露作不騫不忘疑騫卽寒字耳又通作僊文選贈士孫文始詩注引詩作不僊不忘後漢書馬防傳注僊過也一切經音義三云僊古文寒邇二形玉篇云僊同寒俗

疑休戾也

戾止也疑者亦止

戾者釋詁云止也止亦定故詩傳並云戾定也已詳釋詁疑者疑之假借也說文規未定也（未字蓋衍）經典俱借作疑詩靡所止疑傳疑定也鄉射禮注疑止也士昏禮云婦疑立于席西注疑止（今作正誤）立自定之貌是疑俱兼止定二義（儀禮凡言疑立同）其音讀則鄉飲酒禮注疑讀如乞然從於趙盾之乞是疑鄭讀爲乞儀禮釋文竝云疑魚乙反此音是也爾雅釋文無音蓋讀如字非矣此不知疑乃段借耳休者釋詁云息也息亦止詩民勞傳休定也定卽戾矣

疾齊壯也

壯壯事謂速也齊亦疾

壯者廣雅云健也健彊與疾速義近莊子徐无鬼篇云百工有器械之巧則壯釋文引李頤注壯猶疾也通作莊莊訓嚴也嚴有急意故諡法云兵甲亟作曰壯亟猶急也詩君子偕老釋文莊本又作壯荀子非十二子篇注壯或當爲莊公羊定八年傳矢箸于莊門釋文莊本或作嚴疾者釋詁云速疾也疾有急義亦有害義故後漢書傅毅傳注疾害也壯有盛義亦有傷義故易大壯馬融注壯傷也壯訓傷與疾訓害其義又同矣齊者釋詁云疾也故又爲壯詩思齊大任傳齊莊也正義以爲釋言文內則云進退周旋慎齊注亦云齊莊也緇衣云心莊則體舒注莊齊莊也諡法云執心克莊曰齊是齊有莊義莊卽壯矣

械褊急也皆急

急者說文云褊也釋名云急及也操切之使相逮及也然則急之爲言猶汲汲矣械者心之急也械與亟音義同釋詁云亟疾也速也連疾皆急械通作戒詩我是用急鹽鐵論繇役篇作我是用戒戒卽械也又通作革文選三國名臣序贊注引蒼頡篇曰革戒也戒亦械也戒俱械字之省釋文械或音戒非矣又通作棘詩棘人樂樂兮毛傳棘急也正義引釋言文棘人崔靈恩集注作械人皆其誦也褊者衣之急也賈子道術篇云包衆容易謂之裕反裕爲褊詩維是褊心按褊裕俱从衣說文別有褊字从心云褊急也然經典俱不用唯借用褊

賈賈市也詩曰抱布賈絲

詩東門之枌正義引風俗通云市特也養贍老少特以不置也說文云市買賣所之也按市兼買賣二義齊策云竊以爲君市義此以買爲市也越語云又身與之市此以賣爲市也故史記項羽紀集解云市賈易也周禮司市注市者人之所交利皆其義也賈者說文云易財也一切經音義六引三蒼云賈易也交易物爲賈也聲轉爲買故下文云賈買也詩氓傳用下文實則買亦爲市故說文云賈市也賈者說文云賈市也一日坐賣售也白虎通云賈之爲言固也固其有用之物以待民來以求其利者也行曰商止曰賈然則居處賣貨物曰賈故逸周書命訓篇云極賞則民賈其上孔晁注賈賣也左氏桓十年傳若之何其以賈害也成二年傳欲勇者賈余餘勇杜預注竝云賈買也是賈亦兼買賣二義通作沽論語云求善賈而賈諸漢石經賈作沽沽依正文當爲及說文云

秦以市買多得
爲局卽沽矣

非陋隱也

禮記曰非用席
書曰揚側陋

隱者釋詁云微也說文云蔽也通作𠄎玉篇云𠄎古文隱字說文
云匿也象迟曲隱蔽形讀若隱是隱𠄎同非者說文云隱也士虞
禮及有司徹俱云非用席特牲饋食云非用筵鄭注並云非隱也
通作𠄎釋文非符沸反字又作𠄎同楚辭湘君篇云隱思君兮𠄎
側王逸注𠄎陋也又通作𠄎有司徹注古文𠄎作𠄎按𠄎訓蔽與
隱同義𠄎非又一聲之轉𠄎者說文云𠄎陝也𠄎陝亦隱蔽之義
荀子修身篇云少見曰𠄎通作漏詩尚不
愧于屋漏鄭箋漏隱也正義云釋言文

渴遼逮也

東齊曰渴北燕
曰遼皆相及逮

釋詁云逮與也此篇下云逮及也通作逮與遼遼並字之段音證以易之
渴遼者方言七云渴遼逮也渴遼與渴遼並字之段音證以易之
噬嗑食相逮也噬嗑倒轉卽渴遼矣玉篇云迨遼行相及也迨遼
卽渴遼矣左氏莊六年傳若不早圖後君噬齊遼齊卽遼逮矣杜
預注若盡腹齊此爲望文生義凡借聲之字不論其義但取其聲
皆此類也渴又通作曷詩曷云能穀傳曷逮也正義云釋言文遼
又通作逝詩逝不古處曷音適我傳並
云逮也釋文引韓詩曷作逝逝及也

征邁行也

詩曰王于出
征邁亦行

行者說文云人之步趨也从彳从𠄎釋名云兩腳進曰行行抗也
抗足而前也按行訓步趨故去也之也往也還也皆行之義也行

由道路故釋宮云行道也又云堂上謂之行皆緣步趨之義而生也征者說文作延或征云正行也通作延云行也漢書武帝紀征和功臣表俱作延和顏師古曰延亦征字也征訓行故宵征卽宵行征夫卽行人征伐亦卽行伐也征之言正故管子心術下篇云行者正之義也邁者說文云遠行也故于邁卽往行時邁卽時行邁又往也與行訓往同

圯敗覆也

謂毀覆

覆者說文云覆也覆反覆也反覆卽敗故王制云不覆巢鄭注覆敗也敗亦毀故周禮哲族氏注覆猶毀也然則覆舟覆車覆邦家其義皆爲毀敗矣圯者釋詁云毀也敗亦毀也毀亦覆也淮南說林篇云蘭芝欲修而秋風敗之

荐原再也

易曰水荐至今呼重蠶爲蠶

再者說文云一舉而兩也玉篇云兩也重也仍也荐者說文云薦席也席下施薦與再義近左氏襄四年傳戎狄荐居正義引服虔云荐草也孫炎云荐草生之再也按荐又訓仍也重也通作薦詩饑饉薦臻傳薦重也重卽再矣原者文王世子云未有原周禮馬質云禁原蠶者淮南泰族篇云原蠶一歲再收鄭注及高誘注竝云原再也再亦重故漢書禮樂志及叔孫通傳集注竝云原重也原或作蠶釋文原舍人本作蠶郭義本舍人

撫救撫也

撫愛撫也救義見書

撫者說文云安也一曰循也古文作𢇛按亡無古字通故撫作𢇛矣周禮大行人注撫猶安也禮文王世子注撫猶有也有亦存恤

之意與安義近通作拊說文拊拊也拊拊猶撫撫循故荀子富國篇注拊與撫同撫循慰悅之也爾雅釋訓釋文拊本亦作撫撫者方言云哀也說文云愛也竝與撫循義近一曰不動與安義又近矣通作收說文云收撫也从亡聲讀與撫同又通作謀說文云謀撫也从某聲讀若侮按侮某無亡古俱聲同聲轉之字與今讀異也敕者說文云撫也引周書曰亦未克敕公功讀若弭或从人作保周禮小祝及男巫注竝云敕安也書洛誥注亦云敕安也

臞脉瘠也

齊人謂瘠爲脉

瘡者說文作臙云瘡也大司徒注瘡臙也通作瘡說文以爲臙古文也一切經音義二云瘡古文臙康臙三形又通作瘡柴易說卦云爲瘡釋文瘡京荀作柴臙者說文云少肉也史記司馬相如傳云形容甚臙索隱引韋昭曰臙瘡也舍人曰臙瘡也文選謝靈運初去郡詩注引爾雅舊注曰臙肉之瘡也通作瘡臙釋文臙字又作瘡文選注臙與瘡同瘡者說文云齊人謂瘡也玉篇云齊人謂瘡腹爲瘡按瘡腹之義玉篇當有所本今驗蛭蟥之蟲腹其瘡瘡廣雅謂之蛭蟥博物志謂之瘡瘡與瘡瘡瘡聲義正同瘡瘡雙聲瘡瘡疊韻也

梳頰充也

盛也

充者盈也滿也盈滿則實矣故小爾雅云大塞也竟也塞竟卽肥
賊故方言云充養也養卽長故說文云充長也高也高卽崇故釋
詁云崇充也凡此諸義又皆爲充盛也桡者說文云充也通作平
釋文桡孫作光書光被四表傳云光充本爾雅爲訓也淮南修務